

# Масжид томон босилган қадамларнинг мукофоти



14:30 / 04.04.2021 2776

مَلَسَ وَهَيْلَ لَه لَلِ اِيْلَصِّ بِنِ اِنْعُوْهُ نَعُوْهُ لَلِ اِيْضَرَّةَ زَيْرُهٗ اِيْبَ اُنْعُ  
يَضُقِيْ لَه لَلِ اِيْضَرَّةَ زَيْرُهٗ نَمِ تَيْبِ اِيْلِ اِيْشَمِّ مُمْتَوْتِيْ بِيْ رَطَطَاتٍ نَمِ اِيْلِ اِيْ  
اِيْضَرَّةَ زَيْرُهٗ اِيْلِ اِيْضَرَّةَ زَيْرُهٗ اِيْلِ اِيْضَرَّةَ زَيْرُهٗ اِيْلِ اِيْضَرَّةَ زَيْرُهٗ اِيْلِ اِيْضَرَّةَ زَيْرُهٗ  
اِيْلِ اِيْضَرَّةَ زَيْرُهٗ اِيْلِ اِيْضَرَّةَ زَيْرُهٗ اِيْلِ اِيْضَرَّةَ زَيْرُهٗ اِيْلِ اِيْضَرَّةَ زَيْرُهٗ اِيْلِ اِيْضَرَّةَ زَيْرُهٗ

Абу Хурайра розияллоху анхудан ривоят қилинади:

«Набий соллаллоху алайҳи васаллам:

«Ким ўз уйида таҳорат қилиб, Аллоҳнинг уйларидан бирига Аллоҳнинг фарзларидан бирини адо этиш учун юриб борса, унинг икки қадамидан бири ила хатоси ўчади, бошқаси ила даражаси кўтарилади», дедилар».

Муслим, Насай ва Термизийлар ривоят қилганлар.

Ҳадиси шарифда яхши ният билан масжид томон босилган ҳар бир қадам беҳуда кетмаслиги ажойиб услубда васф қилинмоқда.

Эҳтимол, масжидга жамоат намозига қатнайдиган ҳар бир киши ҳам ўзининг қилаётган амали нақадар улканлигини тасаввур эта олмас. Агар ҳақиқатда тасаввур эта олмаса, Пайғамбаримиз соллаллоҳу алайҳи васалламнинг ушбу ҳадиси шарифлари ила яхшилаб танишиб олсин. Ундай одам масжидга жамоат намози ўқиш учун бориш ниятида таҳорат қилиб, биринчи қадамини босиши билан бир гуноҳи ювилади, иккинчи қадамини босиши билан даражаси бир поғона кўтарилади. Масжидга етиб боргунича ҳар қадамда даражаси кўтарилиб бораверади.

Таҳорат ва намоз учун бериладиган савоблар, кечириладиган гуноҳлар алоҳида бўлади. Шунингдек, даражалар масаласи ҳам ўзига яраша бўлади.

Демак, фарз намозларни доимо масжидда, жамоат ила адо қилишга уринишимиз, иложи борича масжид томон босадиган қадамларимизни кўпайтиришимиз лозим.

**«Ҳадис ва ҳаёт» китобидан**